

Broj: 01-14- 3133-9/18  
Sarajevo, 02.10.2018.godine

02 -10- 2018 S.T.

Na osnovu člana 69. stav 1. tačka b) i stav 2. tačka d) i člana 70. st. 1., 4. i 6. Zakona o javnim nabavkama („Službeni glasnik BiH“, broj 39/14), a na preporuku Komisije za javne nabavke imenovane Rješenjem broj: broj: 05-14-377/18 od 24.01.2018. godine, u postupku javne nabavke Konkurentski zahtjev za nabavku potrošnog materijala za printere, faks aparate i kopir aparate, federalni ministar za pitanja boraca i invalida odbrambeno- oslobodilačkog rata, donosi:

## ODLUKU o poništenju postupka javne nabavke

### Član 1.

Poništava se postupak javne nabavke Konkurentski zahtjev za nabavku potrošnog materijala za printere, faks aparate i kopir aparate - Obavještenje o nabavci broj: 746-7-1-23-3-9/18, koje je objavljeno na Portalu javnih nabavki dana 10.07.2018.godine.

### Član 2.

Ova odluka objaviti će se na web stranici Federalnog ministarstva za pitanja boraca i invalida odbrambeno-oslobodilačkog rata u skladu sa članom 70. stav 6. Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

### Član 3.

Ova odluka stupa na snagu po proteku roka za žalbu i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## O b r a z l o ž e n j e

Postupak javne nabavke - Konkurentski zahtjev za nabavku potrošnog materijala za printere, faks aparate i kopir aparate, pokrenut je Odlukom o pokretanju postupka javne nabavke broj: 01-14-3056/18 od 03.07.2018.godine.

Javna nabavka je provedena putem konkurentskog zahtjeva. Procijenjena vrijednost javne nabavke bez PDV-a iznosi 34.100,00 KM.

U ostavljenom roku za dostavu ponuda zaprimljene su 2 (dvije) ponude i to: „PRIMAPROM“ d.o.o Banja Luka i „EXCLUSIVE“ d.o.o. Zenica.

Komisija za javne nabavke je dana 23.07.2018. godine u 16,00 sati izvršila javno otvaranje ponuda o čemu je sačinila Zapisnik sa otvaranja ponuda i isti prosljedila ponuđačima.

Dana 01.08.2018. godine donesena je Odluka o rezultatima okončanog postupka javne nabavke i izboru najpovoljnijeg ponuđača, broj: 01-14-3133-5/18, kojom je ponuđač Exclusive d.o.o. Zenica izabran kao najpovoljniji, nakon čega je ponuđač Primaprom d.o.o. Banja Luka, u zakonskom roku izjavio žalbu.

Rješenjem Ureda za razmatranje žalbi, Filijala/ Podružnica Mostar broj: JN2-03-07-1-1155-9/18 od 20.09.2018. godine, usvojena je žalba ponuđača Primaprom d.o.o. Banja Luka kao osnovana u postupku javne nabavke- Konkurentski zahtjev za nabavku potrošnog materijala za printere, faks aparate i kopir aparate, te poništena Odluka o rezultatima okončanog postupka i izboru najpovoljnijeg ponuđača, broj: 01-14-3133-5/18 od 01.08.2018. godine i predmet je vraćen ugovornom organu na ponovno odlučivanje.

Postupajući po naprijed navedenom Rješenju, Komisija je pristupila ponovnom pregledu i ocjeni ponuda.

Nakon izvršenog ponovnog uvida u dostavljene ponude ponuđača Primaprom d.o.o. Banja Luka i Exclusive d.o.o. Zenica, pristupljeno je analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u konkurentskom zahtjevu i tehničkoj specifikaciji, odnosno vrednovanju ponuda, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti dokumentacije, a po Rješenju Ureda za razmatranje žalbi BiH, Komisija je utvrdila da nijedan ponuđač ne ispunjava formalno pravne, ekonomske i tehničke uslove, odnosno zahtjeve ugovornog organa.

Naime, ponuda ponuđača Primaprom d.o.o. Banja Luka ne ispunjava zahtjeve ugovornog organa iz slijedećeg razloga i to:

- Tenderskom dokumentacijom i Obavještenjem o nabavci broj: 746-7-1-23-3-9/18 koje je objavljeno na Portalu javnih nabavki dana 10.07.2018.godine, propisana je procijenjena vrijednost nabavke u iznosu od 34.100,00 KM bez PDV-a. Ponuđač Primaprom d.o.o. Banja Luka dostavio je ponudu na iznos od 37.598,80 KM bez PDV-a, a što prelazi propisanu procijenjenu vrijednost ugovornog organa, odnosno cijena ponude je veća od osiguranih sredstava ugovornog organa za predmetnu nabavku.

Ponuda ponuđača EXCLUSIVE d.o.o. Zenica, ne ispunjava zahtjeve ugovornog organa iz slijedećeg razloga i to:

Tačkom 6.3.2. Tenderske dokumentacije propisano je:

„Ugovorno tijelo je u tehničkoj specifikaciji tonera koristilo općepoznate i uobičajene opise navedenih artikala prema bročanim i slovničkim oznakama i nazivu proizvođača ispisnog uređaja za koji se nabavlja predmetni potrošni materijal.

Iz navedenog proizilazi da je Ugovorni organ opisao predmetne artikule kao OEM (Original Equipment Manufacturers) tonere iz razloga bolje prepoznatljivosti tehničkih karakteristika istih, a u skladu sa članom 54. Zakona o javnim nabavama.

U predmetnom nadmetanju omogućuje se zainteresiranim privrednim subjektima nuđenje „ekvivalentnih“ tonera koji opisom, kvalitetom i namjenom moraju odgovarati za pravilnu upotrebu na uređajima za ispis i kopiranje koji su navedeni u Tehničkoj specifikaciji.

Ekvivalentnost ponuđenih artikala ponuđači dokazuju dostavom slijedećeg dokaza:

- a) Ispitno izvješće (Test Report) - Ispitno izvješće je izvješće o kapacitetu ispisa tonera, prema metodologiji opisanoj u normi ISO 19752, odnosno ISO 19798, odnosno izvješće o kapacitetu ispisa tinte prema metodologiji opisanoj u normi ISO 24711, kojim se dokazuje da minimalni kapacitet ispisa ponuđenih tonera i patrona odgovara kapacitetu OEM (Original Equipment Manufacturers) tonera/patrona navedenih u tehničkoj specifikaciji. Za ponuđene tonere mora biti sastavljeno Ispitno izvješće koje može biti izdano od akreditiranog ispitnog laboratorija za navedene norme ili od proizvođača ponuđenih jednakovrijednih artikala. Ukoliko se kao dokaz jednakovrijednosti dostavlja Ispitno izvješće izdano od proizvođača ponuđenih jednakovrijednih artikala obavezno se prilaže i Certifikat sustava upravljanja kvalitetom prema normi ISO 9001, s tim da područje certifikacije pokriva područje proizvodnje ispitivanja tonera i patrona prema normama ISO 19752, odnosno ISO 19798, odnosno ISO 24711.

Certifikati moraju biti izdani od akreditiranih certifikacijskih tijela. Akreditacijska tijela moraju biti potpisnici međusobnih ugovora o priznavanju akreditacije s EA-Europska organizacija za akreditaciju ili IAF-Međunarodni forum za akreditaciju. Dokaz o testiranju ponuđenih jednakovrijednih artikala nekim drugim europskim ili međunarodnim normama od onih navedenih u dokumentaciji bit će prihvaćeni uz dokaz iz kojeg je vidljivo da je navedena norma/certifikat u potpunosti jednakovrijedna traženoj normi/certifikatu, čime se dokazuje da svaki ponuđeni artikl zadovoljava minimalne tehničke karakteristike tražene tehničkom specifikacijom.“

Uvidom u ponudu ponuđača Exclusive d.o.o. Zenica, Komisija ugovornog organa utvrđuje da je na stranicama ponude od 53. do 103. dostavljen dokaz o ekvivalentnosti ponuđenih tonera sa ispitnim izvješćem (Test Report). Kao dokaz dostavljeni su certifikati prema ISO 19752: 2004, ISO 19798: 2007, te ovlaštenje za poddistribuciju certifikata. Daljim uvidom u ponudu utvrđeno je da u ponudi nisu dostavljeni zahtijevani certifikati ISO 9001 i ISO 24711, kako je propisano tačkom 6.3.2. Tenderske dokumentacije.

Komisija je Zapisnikom o pregledu i ocjeni ponuda broj: 01-14-3133-8/18 od 01.10.2018.godine preporučila ugovornom organu da predmetni postupak poništi, te je u skladu sa članom 69. stav 2. tačka d) Zakona o javnim nabavkama Bosne i Hercegovine („Službeni glasnik BiH“, broj:39/14), odlučeno kao u članu 1. ove odluke.

#### **POUKA O PRAVNOM LIJEKU:**

Žalba na Odluku o poništenju postupka izjavljuje se URŽ-u putem ugovornog organa u roku od 5 dana od dana prijema Odluke.



Dostaviti:

1. Ponuđačima 2 x,
2. Komisiji za javne nabavke
3. a/a